

SESIÓN EXTRAORDINARIA CELEBRADA POLO PLENO DO CONCELLO O DÍA 2 - AGOSTO - 2005

ORDE DO DIA

ASUNTO ÚNICO.- PRESENTACIÓN DE CUESTIÓN DE CONFIANZA VENCELLADA Á APROBACIÓN DO ORZAMENTO XERAL DO CONCELLO DE REDONDELA PARA O ANO 2005.

Na Casa do Concello de Redondela, sendo as trece horas trinta minutos do día dous de agosto de dous mil cinco, baixo a Presidencia do Alcalde-presidente D. XAIME REI BARREIRO, e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. CARLOS GONZÁLEZ FERNÁNDEZ, D. MANUEL IGLESIAS CARRERA, D^a. FRANCISCA CANAL GÓMEZ, D. JUAN TIZÓN CABALEIRO, D. ANTÓN DÍAZ MOURELLE, D. JAIME DARRIBA VILAS, D. FERMÍN ALFAYA PAZ, D. RODOLFO PATO GARCÍA, D^o XOSÉ CARLOS PAZOS DOCAMPO, D^a. CECILIA PÉREZ ORXE, D^a PURIFICACIÓN SERRANO CAVIEDES, D^o ALEJANDRO BASTOS FERNÁNDEZ, D^a. HERMINDA QUELLE FERNÁNDEZ, e D. MANUEL PÉREZ PARDO, tamén asistiu o Sr. Interventor Xeral do Concello D. MODESTO SOLLA SANZ, actuando como Secretaria a Secretaria da Corporación DONA. ANA ISABEL DEL CERRO DEL RIO, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia a Concelleira D^a M^a CARMEN AMOEDO DASILVA.

A Presidencia declara aberta a sesión, en primeira convocatoria, procedéndose a trata-lo punto da Orde do Día.-

ASUNTO ÚNICO.- **PRESENTACIÓN DE CUESTIÓN DE CONFIANZA VENCELLADA Á APROBACIÓN DO ORZAMENTO XERAL DO CONCELLO DE REDONDELA PARA O ANO 2005.-**

Pola Presidencia dase lectura á seguinte proposta:

PROPOSTA DA ALCALDÍA Ó PLENO DA CORPORACIÓN

PRESENTACIÓN DE CUESTIÓN DE CONFIANZA VENCELLADA Á APROBACIÓN DO ORZAMENTO XERAL DO CONCELLO DE REDONDELA PARA O ANO 2005.

Por acordo do Concello Pleno, en sesión ordinaria celebrada o vinte e oito de xullo de 2005, rexeitouse a aprobación inicial do orzamento xeral do Concello de Redondela para o ano 2005, que ten recibido os votos en contra dos grupos municipais do Partido Popular, Bloque Nacionalista Galego e Redondeláns Adiante, e os votos a favor do PSdeG-PSOE.

Ante a trascendencia do orzamento no desenvolvemento do goberno municipal, o artigo 197 bis da lei orgánica 5/85, pola que se regula o réxime electoral xeral, establece un procedemento excepcional e especial de aprobación do presuposto municipal.

Tal como sinala a exposición de motivos da citada lei “a cuestión de confianza está vencellada a proxectos concretos, como son a aprobación dos orzamentos da Corporación, do regulamento orgánico, das ordenanzas fiscais e de aprobación que poña fin á tramitación municipal dos instrumentos de planeamento xeral de ámbito municipal. Trátase con isto de dotar ós Concellos dun instrumento que permita superar as situacións de rixidez ou bloqueo no proceso de toma de decisións nas materias sinaladas, que teñen a máxima trascendencia no desenvolvemento do goberno municipal.”



UMERAD
RACIONS
CAIS



Serie A N.º 1177873

Tal como sinala a exposición de motivos da citada lei “a cuestión de confianza está vencellada a proxectos concretos, como son a aprobación dos orzamentos da Corporación, do regulamento orgánico, das ordenanzas fiscais e de aprobación que poña fin á tramitación municipal dos instrumentos de planeamento xeral de ámbito municipal. Trátase con isto de dotar ós Concellos dun instrumento que permita superar as situacións de rixidez ou bloqueo no proceso de toma de decisións nas materias sinaladas, que teñen a máxima trascendencia no desenvolvemento do goberno municipal.”

Con base no exposto, e ó abeiro do establecido no artigo 197 bis da lei orgánica 5/1985, de 19 de xuño, do réxime electoral xeral, modificada pola lei orgánica 8/1999, de 21 de abril, PROPOÑO Ó PLENO DA CORPORACIÓN UNHA CUESTIÓN DE CONFIANZA VENCELLADA Á APROBACIÓN DO ORZAMENTO XERAL DO CONCELLO DE REDONDELA PARA O ANO 2005.

De conformidade co disposto no artigo 197 bis 2 da citada lei, a votación efectuarase, en todo caso, mediante o sistema nominal de chamamento público.

INTERVENCIÓNS.-

Inicia o debate o voceiro de EU-IU sinalando que hai dous anos conformouse un goberno municipal lonxe de maiorías, grazas a que as distintas sensibilidades de esquerda fixeron posible un goberno; fai un chamamento a que permaneza o acordo acadado no seu día na correspondente mesa de negociación.

O voceiro de Redondeláns Adiante expón que xa, dende o principio, manifestou que este matrimonio tripartito non ía funcionar. O atraso producido é evidente, multiplícanse os problemas ocasionados polo BNG, xa derivados na anterior lexislatura, como son os conflitos na policía local, ou no conservatorio. Ademais colleron a un reserva, que é o sr. Pérez Pardo, que tamén o está facendo moi mal na súa área. O sr. Rei, xa o coñecemos, despois de vinte e seis anos gobernando. ¿Que se fixo en parques e xardíns? Plantar carballos no paseo marítimo, e o río está aí para ver o seu estado.

O sr. Xaime Rei é intelixente, e sabe o que vai facer hoxe. Redondeláns Adiante vai apoiar todo o que sexa bó para Redondela.

A actuación do Sr. Carlos Pazos, que cobra un salario por dedicación exclusiva, foi calamitosa en tódalas áreas polas que pasou, e as consecuencias as paga o pobo.

O voceiro do BNG aclara que o asunto a debate é a cuestión de confianza presentada pola Alcaldía, por iso resulta rechamante que o Sr. Bastos fale exclusivamente do voceiro do BNG. Non se van resolver no Pleno as cuestións xudiciais pendentes. Que non fale de salarios porque esa é a obsesión do sr. Bastos quen, por outra banda, coa súa intervención deixou claro que está no mercado.

En relación á cuestión de confianza manifesta que o BNG sempre fixo un grande esforzo pola gobernabilidade de Redondela, por conquistar políticas máis incisivas e determinantes, e por introducir matices que faltaban como a participación política e cidadá.

O pacto de goberno foi un acordo acadado polo BNG de Redondela pero, na actualidade, o acordo inicial non é satisfactorio; producíronse desencontros por non acadarse as expectativas xeradas, e por incumprimentos do acordo.

O BNG fixo importantes e improbos esforzos de todo tipo, dende o pasado xoves, por chegar a un acordo que permitise solventar o desencontro, pero non se chegou a nada efectivo, entre outras cousas, pola postura intransigente da persoa que preside hoxe o Pleno. Isto motiva que a día de hoxe, Xaime Rei non sexa unha persoa de confianza para o BNG, pois representa o incumprimento do acordo de goberno.

A voceira do PP lembra que xa falou no Pleno, tanto do orzamento como da xestión municipal. O PP xa adiantou esta situación porque o PSOE e o BNG carecían dun proxecto conxunto. Non interiorizaron o que asinaron. O BNG xa coñecía ó PSOE, contra o que tiñan lanzado duras críticas, pero por cuestións particulares de ter un determinado status, aceptaron o pacto.

Por outra banda afirma que non lle coinciden as razóns esgrimidas polo PSOE e BNG, pois nin as diferencias orzamentarias, nin un macetero, nin un vial en Reboreda, constitúen razóns de peso. Hai que organizarse, ter unha planificación. A política incisiva realizanna de xeito verbal. Empregan moi ben a dialéctica para atacar,

pero deben empregala para xestionar.

Por último considera unha irresponsabilidade do concelleiro de EU-IU o feito de non asistir ó anterior Pleno nesta situación de crisis.

O voceiro do PSOE contéstalle ó Concelleiro Sr. Bastos Fernández que non vai entrar nas críticas repetidas pleno tras pleno, e que xa lle foron contestadas; pode decir o que queira, sempre que o fundamente. O que se está facendo agora é perfectamente legal, e a gobernabilidade do Concello está garantizada, simplemente gobernar en minoría supón un esforzo de comunicación.

En segundo lugar contéstalle ó BNG que tras levar seis anos de pacto decidir agora que non teñen confianza no Alcalde é moi duro de defender. Estos días tratouse de chegar a un acordo, pero se non se acada tampouco pasa nada; a él, o BNG si lle merece confianza para gobernar.

Os mesmos esforzos que fixo o BNG, realizounos o PSOE, que non ten medo a un goberno en minoría. Hai que tratar de desdramatizar, xa que nada do que está sucedendo carece de solución.

En canto os incumprimentos que di o BNG, manifesta que como mínimo son discutibles, pois no pacto asignouse ó BNG o POL e un plan de similar contía, e iso no orzamento está multiplicado por tres. Tamén se preveía a posibilidade de convocar unha comisión de seguimento, o que non se fixo.

A participación dos grupos políticos non foi a instancia do BNG, pois co PSOE tivo acceso á documentación todo o mundo, e o primeiro regulamento de participación cidadá aprobouno o PSOE, quen tendo maioría absoluta sempre estivo en minoría nos organismos e institucións do Concello; polo tanto, o BNG non lle pode decidir que con eles chegou a democracia a Redondela.

En terceiro lugar, respóndelle á voceira do PP que non se está escondendo nada porque sempre que houbo algo novo foi convocada. Houbo xuntanzas subidas de tono, pero por parte de tódolos intervinetes. Considera que non hai ningunha irresponsabilidade coa convocatoria do Pleno de hoxe, pois trátase de desbloquear unha situación, e o PSOE “non está amarrado ás sillas”, porque como dí o Sr. Alcalde, “as sillas son prestadas”.

Inicia o segundo turno de intervencións o voceiro de EU-IU, que considera que o concelleiro Sr. Bastos Fernández non pode estar caíndo nas mesmas contradicións permanentemente, nin tampouco falar de cuestións completamente alleas ó debate. Non pode descalificar, pero si facer aportacións, e aínda está esperando pola primeira, sen contar a que dixo cando sinalou que o papel que se lle pasou para comisión era moi complicado de ler.

A nova forma de gobernar na Xunta debería permanecer en Redondela, por iso aboga polo mantemento do tripartito. Hai asuntos relevantes como ó PXOM, o AVE, e a área metropolitana, que precisan de consenso, e están recollidas no acordo de goberno.

O voceiro de Redondeláns Adiante di que a situación que se vive en Redondela, xa pasou en Vigo co Sr. Castrillo, que foise para casa. O mesmo debería facer o Sr. Carlos Pazos, pois “a vaca xa non dá máis leite”, e levar a súa compañeira. O seu grupo e Redondela gañarían moito.

En canto á cuestión de confianza, non vai votar a favor, porque o Sr. Alcalde, cando formou goberno, esqueceuse totalmente de Redondeláns Adiante.

O voceiro do BNG afirma sentirse satisfeito de que as intervencións da oposición sexan belixerantes co BNG neste Pleno. Preocuparíalle que falasen soamente do Alcalde, cousa que non fan, o que supón que o BNG ten unha posición relevante neste goberno.

Indica que o Sr. Bastos Fernández ten unhas miras moi curtas, pois reduce todo a un tema de salarios.

O BNG non comparte o orzamento, pero iso non supón que non estivera satisfeito pola súa participación no goberno municipal, no que introduxo un xeito máis participativo e democrático na forma de gobernar. Colocaron o saneamento en primeira liña de actuación, e está satisfeito co traballo desenvolvido, e tamén coa radio municipal, que ten plena liberdade nos seus contidos e programación, e na que o consello de administración intervéñen soamente para cuestións técnicas; tamén amósase satisfeito co avance producido coa autoxestión dos centros escolares.

Reitera os esforzos realizados polo BNG para que continuase o pacto. En política tódolos momentos son oportunos, antes e despois de. Por catro veces chegouse a acordo, e media hora despois o acordo xa non valía. Nesta situación non pode outorgar a súa confianza ó Alcalde, polo tanto o BNG vaise abster porque non quere que se rompa o pacto de goberno.



Serie A N.º 1177874

A voceira do PP non dá crédito o que acaba de escoitar, pero tampouco lle sorprende. Felicita ó Sr. Alcalde que compra o silencio do BNG, e ó BNG por saber navegar.

Dille ó voceiro do BNG, que na súa área de medio ambiente está incluída a limpeza viaria, que préstase a través dunha empresa que non se controla; a limpeza das praias é pésima, malia ter subvención da Deputación; en canto ás fontes sempre inauguran a mesma, pero non poñen o cartel de potábel. Nos xardíns non se fixo nada de nada, e nos cemiterios as queixas son continuas pola súa situación. En conclusión, están por estar.

Contéstalle ó voceiro do PSOE que si é certo que celebráronse xuntanzas, pero nas do PXOM non lle souberon dicir onde se ía ubicar o chan industrial; despois o Alcalde dixo que situaríase en Chan das Pipas, pero todo é mentira, como o do paseo marítimo.

Deben retomar a situación, e facelo con seriedade, pois agora están vendidos, o que resulta moi triste.

O seu voto é contrario á aprobación da cuestión de confianza, pero non se sorprende da postura dos demais grupos.

Rematou o debate o voceiro do PSOE, que contéstalle ó concelleiro Sr. Bastos Fernández que a situación de Redondela non ten nada que ver coa de Vigo, e que non admite expresións do tipo "vaiase Sr. Concelleiro", porque iso o dín os cidadáns.

De seguido contéstalle ó concelleiro Sr. Pazos Docampo, que se se sente en gran parte satisfeito coa xestión realizada, resultaba difícil votar en contra da cuestión de confianza.

A preocupación polo saneamento non aparece co BNG, se non que era compartida polo PSOE, e ós orzamentos remítese. En canto ó Regulamento de participación cidadá, o PSOE tivo a vontade política de aproballo.

O BNG fixo esforzos estos dous días por chegar a un acordo, pero antes non dixo nada; non é certo que houbera catro acordos; malia todo, valora moito a abstención do BNG.

Acláralle á voceira do PP que non houbo subvención para limpeza de praias, se non para outras cousas, o que denota o seu descoñecemento; e se o paseo marítimo non aparece no orzamento, é porque non o financia o Concello. O proxecto está case rematado, e con isto denota que de política municipal non sabe.

VOTACIÓN E ACORDO.-

Ó abeiro do establecido no artigo 197 bis 2 da lei orgánica 5/1985, de 19 de xuño, a votación efectúase mediante o sistema nominal de chamamento público, obténdose o seguinte resultado:

ALFAYA PAZ, FERMÍN- NON
BASTOS FERNÁNDEZ, ALEJANDRO- NON
CANAL GÓMEZ, FRANCISCA- NON
CARREIRA COUÑAGO, MÓNICA-SI
DARRIBA VILAS, JAIME -NON
DÍAZ MOURELLE, ANTÓN-NON
GONZÁLEZ FERNÁNDEZ, CARLOS-SI
GONZÁLEZ IGLESIAS, EMILIO-SI
IGLESIAS CARREIRA, MANUEL-SI
LAGO ALLER, LAURA-SI
PATO GARCÍA, RODOLFO-NON
PAZOS DOCAMPO, XOSÉ CARLOS- ABSTENCIÓN
PÉREZ ORGE, CECILIA-ABSTENCIÓN
PÉREZ PARDO, MANUEL- SI
QUELLE FERNÁNDEZ, HERMINDA-NON
REGUERA OCAMPO, EDUARDO JOSÉ-SI
RODRÍGUEZ CUNHA, Mª CARMEN-SI
SERRANO CAVIEDES, PURIFICACIÓN- ABSTENCIÓN
TIZÓN CABALEIRO, JUAN-NON
REI BARREIRO, XAIME-SI

Xa que logo, o Concello Pleno acorda, por maioría simple, sendo nove votos a favor (8 do PSdeG-PSOE e 1 de EU-IU), tres abstencións (3 do BNG) e oito votos en contra (6 do PP e 2 de Redondeláns Adiante) aprobar a cuestión de confianza vencellada á aprobación do orzamento xeral do Concello de Redondela para o ano 2005, resolvendo os reparos formulados polo Sr. Interventor Xeral do Concello, no seu informe de data 22 de xullo de 2005, Rfa. T 121/05.-

E, non habendo máis asuntos que tratar, pola Presidencia dase por rematada a presente sesión, sendo as quince horas da data fixada no encabezamento, en proba de todo o que, se estende a presente acta, que se inscribiu no Libro dende a volta do folio núm. 12 do Papel Timbrado da Comunidade Autónoma de Galicia, Serie A nº 1177872 ata o folio núm. 12, Serie A núm. 1177872, de todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA ISABEL DEL CERRO DEL RIO

SESIÓN EXTRAORDINARIA CELEBRADA POLO PLENO DO CONCELLO O DÍA 10 -
AGOSTO - 2005

ORDE DO DÍA

- 1.- APROBACIÓN DEFINITIVA DO REGULAMENTO DOS MERCADOS DE ABASTOS.
- 2.- APROBACIÓN DEFINITIVA DE ESTUDIO DE DETALLE NUN ÁMBITO DATRAVESÍA PADRE CRESPO, PROMOVIDO POR PROMOCIONES Y MADERAS LAGO REY, S. L.

Na Casa do Concello de Redondela, sendo as trece horas do día dez de agosto de dous mil cinco, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MÓNICA CARREIRA COUÑAGO, D^a. CARMEN RODRÍGUEZ CUNHA, D. MANUEL IGLESIAS CARRERA, D^a. FRANCISCA CANAL GÓMEZ, D. RODOLFO PATO GARCIA, D. JAIME DARRIBA VILAS, D. FERMÍN ALFAYA PAZ, D. XOSÉ CARLOS PAZOS DOCAMPO, D^a. CECILIA PÉREZ ORXE, D^a. PURIFICACIÓN SERRANO CAVIEDES, D. ALEJANDRO BASTOS FERNÁNDEZ, e D. MANUEL PÉREZ PARDO, actuando como Secretario Acctal., o Técnico de Administración Xeral, D. BERNARDO SOTO LÓPEZ, constitúese o Pleno do Concello, en sesión extraordinaria, conforme á convocatoria e de acordo coa Orde do Día.

Non asisten, os/as Sres./as. Concelleiros/as: D. CARLOS GONZÁLEZ FERNÁNDEZ, D. JUAN TIZÓN CABALEIRO, D. ANTÓN DÍAZ MOURELLE, D^a. M^a DEL CARMEN AMOEDO DASILVA, e D^a. HERMINDA QUELLE FERNÁNDEZ.

O voceiro do Grupo Municipal do PSdeG-PSOE, D. Emilio González Iglesias excusou a ausencia do Sr. González Fernández. O voceiro do Grupo Municipal de R.A., D. Alejandro Bastos Fernández, excusou a ausencia da concelleira do seu Grupo, Sra. Quelle Fernández. A voceira do Grupo Municipal do PP, D^a. Francisca Canal Gómez, excusou a ausencia dos concelleiros do seu grupo político, Sres./a Tizón Cabaleiro, Díaz Mourelle e Amoedo Dasilva, manifestando que é debida a que non tiñan coñecemento de que se ía a convocar este Pleno.

A Presidencia declara aberta a sesión, en primeira convocatoria, procedéndose a trata-los puntos da Orde do Día.-



NUMERADO
RACIONES
CAIS